

a zz'éfan ki sont asi din l' plach, pi ki kritt a leu kamarad,
17. in leu dizan: ôz avon kantè pour voz égeudir, é pi ô
n'avé pouin dansé; ôz avon kantè dz' èr tris pour vou, é pi ô
n'avé pouin yeu d' chagran.

18. Kar Jan il é vnu n' minjan, n' buvan, é pi i ditt: Il é
pôsédé du diab.

19. Ch' fiu d' l' onm il é vnu minjan pi buvan, pi i ditt: Vlô
inn onm k' inm a fouèr tanponn, pi a bouèr du van; il èt
anmi d' ché publikyin, é pi d' ché gôdayeu; mé l' sajès ô tè
justifié par séz éfan.

20. Pour]or il ô kminchè a tinché ché vil ou' è' ch k'il avoué
foué gramin d' mirak, pach k'a n' avouètté pouin foué
pénitins.

21. Maleur a ti, Kôrôzahin, maleur a ti Bètzahid; paské si
ché mirak k' on té foué e mitan d' vou, avouètt été foué din
Tir é pi din Sidon, gn' ô d' bieu jour k' iz érouètté foué
pénitins din in sô, é pi din ché chind.

22. Ch' é pourkouè j' vô déklar ké l' jour dé ch' jujmin Tir é
pi Sidon i sron arinjè mouin rudmin k' vou;

23. é pi ti, Kafarnahonm, t' élvrô tu toujours jusk a s' sièl Tu
srô ravalé jusk ô fin fon d' l'infèr, pach ké si ché mirak k' on
tè foué ô mitan d' ti, avouètt été foué din Sôdonm, al sroué
pétèt kouèr édbou innui.

24. Ch' é pour chô ké j' té déklar ké l' jour dé ch' jujmin, ch'
pouéyi d' Sondonm srô arinjè mouin rudmin k' ti.